

## উপমার কারবার উম্মে মুসলিমা

কবি হুমায়ূন আজাদ ক্লাসে খুব খোলামেলা মন্তব্য করতেন  
গুলিস্তানের কামানকে নাকি তার ট্রাউজার পরাতে ইচ্ছে হতো ।  
ধর্মপ্রাণ কুমারীকন্যাদের জনান্তিকে আহ্বান জানাতেন  
এতোবড় শিবলিঙ্গ পূজো ছাড়া পড়ে রবে আর কতো?

আমি তার ছাত্রী বলেই কিনা জানিনা উপমাতে নিদারুণ ঝাঁক  
সন্তানবতী হয়ে যেদিন নগ্নবুকে দাঁড়ালাম আয়নাতে নিশ্চল  
টইটুসুর জোড়া স্তন দেখে মুহূর্তে উপমায় ভরে গেল চোখ  
ধানপূর্ণ জোড়া গোলা ঢাকবে না কেন কোনো শাড়ির আঁচল?